

## **North Sotho - Lehu Mangwalo - Free from Death Scriptures**

**BaRoma 6:23 Gobane moputso wa sebe ke lehu; mme neo ya kgaujelo ya Modimo ke bophelo bjo bo sa felego ka Jesu Kriste mong a ren.**

**BaRoma 8:2 Gobane molao wa Moya wa go phela ka Kriste Jesu o nkunolotše molaong wa sebe le wa lehu.**

**2 Timoteo 1:10 Ke yona kgaujelo ya go bonagatšwa mehleng yeno ka go bonagala ga Mophološi wa rena Jesu Kriste, e a fedišitšego lehu, a tšweletša bophelo le go se hwe ka seetša sa Ebangedi.**

**Jobo 5:2 Lešilo le bolawa ke sebete; setlatla se hwa ka lehufa.**

**Hosea 13:14 Ke tlo ba phološa kua bodulabahu; mo lehung ke tlo ba namolela. Hee lehu! Mahloko a gago a kae? Hee bodulabahu! Tshenyo ya gago e kae? Tšhegamo ga e yo go nna.**

**Dipsaleme 9:13 Morena, nna o nkgaugetše; O bone ke hlakišwa ke bahloi, wa nkgomisa dikgorong tša lehu.**

**Jobo 6:26 A le re le sola polelo tša ka? Mantšu a mogakanegi ke a go tšewa ke phefo.**

**Jobo 33:22 Moya wa gagwe wa hlola lebitla, bophelo bja gagwe bja batamela bafediši.**

**Hesekiele 37:12,13 Bjale porofeta o ba botše o re: Morena Mong wa bohole o re: Tsebang! Nna ke tlo bula mabitla a lena; ke tlo le ntšha mabitleng a lena, lena setšhaba sa ka; mme ke tlo le iša nageng ya Israele. 13 Mohla ke bula mabitla a lena, ke le ntšha mabitleng a lena, lena setšhaba sa ka, ke mo le tlo go tseba ge Morena e le nna.**

**Mateo 27:52 Le mabitla a bulega, mme mebele e mentši ya bakgethwa ba ba robetšego ya tsoga.**

**Genesi 2:7 Morena Modimo a na a bopa motho, lerole la mmu; mo dinkong tša gagwe a budulela moyo wa bophelo, motho a napa a ba moyo o phelago.**

**Genesi 6:17 Ge e le nna, o tsebe gore, ke tlo tliša meetsefula mo lefaseng, e be a go fetša nama ka moka e nago le moyo wa go phela, e lego ka tlase ga legodimo; tšohle tše di lego lefaseng di tlo loba.**

**Genesi 7:15 Di be di tlide go Noage tša tsena polokelong ka pedi ka pedi, e le tša nama efe le efe ye e nago le moyo wa go phela.**

**Genesi 7:22 Tšohle tše di phelago di buša moyo ka dinko, tšohle tše di bego di phela mo go le le omilego, tša hwa.**

**Jobo 12:10 Bophelo bja diphedi tšohle bo mo atleng tša gagwe, le moyo wa mo mebeleng ya batho bohole.**

**Jobo 33:4 Moya wa Modimo o ntirile, mme mohemo wa Yomaatlaohle o mphile bophelo.**

**Ditiro tša BaApostola 17:25 ga a direlwe ka atla tša batho, ga a phele ka motho; hleng bophelo, le moyo, le tšohle ke yena a di fago bohole.**

**Kutollo 13:15 Sona se fiwa maatla a gore seswantšho seo sa sebata sa pele se se fe bophelo, seswantšho seo se bolele, sa be sa kgonago bolaiša ba ba sa khunamelego seswantšho sa sebata.**

**Johane 10:10 Lehodu ge le tla, le tlela go utswa, le go hlabo, le go fediša. Se nna ke se tletšego ke gore di be le bophelo le mohora.**

**Jesaya 28:15 Ge le ka re: Re lakane le lehu, re kwane le bodulabahu, la re: Ge go fihla kotlo ya gogola batho, e ka se re fihlele, gobane re khuta ka maaka, re utama ka bofora,**

**Jesaya 28:18 Ge e le molaka wo le rego le o tlemile le lehu, o tlo fedišwa; go kwana le bodulabahu go ka se ke gwa tia; mohla mafula a kotlo a tlago, a tlo le ribegetša.**

**Jesaya 5:24 Ke wona molato woo modu wa bona ge o bodile, letšoba la bona le hlohlorega, gwa tlo etša mola kgabo ge e fiša hlagi, mollo ge o fetša bjang; ka gobane ba lahlile Morena wa mašaba, ba nyaditše tše Mokgethwa wa Isiraele a di boletšego.**

**Joele 1:12 Merara e ponne, le mego e omile le merapa le melala le dihlare, le dihlare tšohle tša go lewa. Le dihlare tša lešoka di omile; bana ba batho ba tlogilwe ke lethabo.**

**Hosea 13:15 Le ge Efuraimi a ba dienywa mehlakeng, go tlo tsoga phefo ya bohlabatšatši, ledimo la Morena le hlagago lešokeng, la tlo galosha didiba tša gagwe, la mo hlakola lehumo la dilo tšohle tša matsaka.**

**Kutollo 22:1 A ntšhupetša noka ye e sekilego ya meetse a bophelo, e phadimago boka legakabje le le bonatšago, e tšwa go sedulong sa bogoši sa Modimo le sa Kwana.**

**Johane 4:10 Jesu a fetola a re: Ge o ka be o tseba neo ya Modimo, wa tseba le yo a go kgopelago a re: Mphe ke nwe, ke wena o ka bego o kgopela yena, mme a go nea meetse a phelago.**

**Johane 4:14 Gomme e a ngwago meetse a nna ke tlogo mo fa, a ka se ke a ba a nyorwa neng le neng. Gomme meetse a nna ke tlogo mo fa, mo go yena a tlo ba mothopo wo o tšwago meetse a go iša bophelong bjo bo sa felego.**

**Diema 13:14 Thuto ya mohlale ke mothopo wa bophelo; e go efoša moreo wa lehu.**

**Diema 14:27 Go šia Morena ke mothopo wa bophelo; o efoga mereo ya lehu.**

**Hesekiele 13:17-23 Bjale wene ngwana motho! Lebella basadi bao ba**

**setšhaba sa geno ba ba porofetago ka la bona. Bona o ba porofetele o re: 18 Morena Mong wa bohole o re: Kotsi e tlo wela basadi bao ba go kgokela ditho tša bona tšohle matsaka, ba go direla dihlogo tša bona dikuane ka tekanyo ya bogolo bja tšona, e le go tanya meoya ya batho. A fa le ka tanya meoya ya setšhaba sa ka, mme ya lena meoya la tloga le e phediša? 19 Le senya ina la ka go setšhaba sa ka, le direla go bona mabele a kago tlala legoswi, le nyaka thatana ya bogobe, e le go bolaya meoya ye e sa swanelago go hwa, le phediša meoya ye e sa swanelago go phela. Le dira bjalo ka go aketša setšhaba sa ka se se thaetšago maaka. 20 Bjale Morena Mong wa bohole o re: Tsebang gore ke tlo senya matsaka a lena a le tanyago meoya ka ona boka dirionyana; ke tlo a kgakgatholla matsogong a lena, ka tanyolla meoya ye le e tantšego bjalo ka dinonyana. 21 Dikuane tša lena ke tlo di gagola, ka namolela setšhaba sa ka diatleng tša lena, gore se se hlwe se dula se tantšwe ke bolena. Ke mo le tlogo lemoga ge Morena e le nna. 22 Ke tlo lefetša mo le hlokofaditšego pelo ya moloki ka go mo foraforetša, e le yo nna ke bego ke sa rate go mo hlokofatša. Le tiisitše diatla tša ba babe, ba se sa lahla tsela e mpe ya bona, ke se ba phediše. 23 Bjale pono tšela tša lefela le ka se hlwe le di bona; le ka se hlwe le bola tša bonoge. Ke namolela setšhaba sa ka diatleng tša lena, gore le lemoge ge Morena e le nna.**

**Jeremia 21:8 Ge e le ba setšhaba o ba botše o re: Morena o re: Hlaolang, ditsela šedi, ya bophelo le ya lehu!**

**Jobo 34:22 Ga go leswiswi, le thiti ya lehu ga eyo, mo badiradibe ba kago ikuta gona.**

**Dipsaleme 16:10 Gobane moywa ka o ka se ke wa o tlogela o le kua bodulabahu, o ka se ke wa lesa mokgethwa wa gago a bona lebitla.**

**Dipsaleme 23:4 Le ge nka sepela molapong wa moriti wa lehu, nka se boife bobe, gobane o na le nna; molamo wa gagwe le lepara la gagwe di nkuša pelo.**

**Dipsaleme 30:3 Morena, o gomišitše moywa ka kua bodulabahu, wa mphediša, ka se fologele mole teng.**

**Dipsaleme 49:15 Nna wa ka moywa, Modimo o tlo o phološa diatleng tša lehu, ka gobane o ntshwre.**

**Dipsaleme 56:13 Gobane o phološitše moywa ka wa se ke wa hwa, dinao tša ka tša se ke tša kgopša, ka kgona go sepela seetšeng sa ba phelago ke bonwa ke Modimo.**

**Dipsaleme 68:20 Yena Modimo, go rena ke Modimo Mophološi; Morena Mong wa rena ke montšhalehung.**

**Dipsaleme 89:48 Monna o kae e a kago phela a se bone lehu, e a kago iphološa, a se ye bodulabahu?**

**Dipsaleme 102:19,20 Gobane, a le bodulong bja gagwe bja bokgethwa kua tletlolo, o di ukametše; Morena o šetša lefase a le kua magodimong, 20 Gore a kwe diphegelo tša batlengwa, a hunolle bana ba lehu.**

**Dipsaleme 116:8 O namoletše moya wa ka diatleng tša lehu; o tlošitše mahlo a ka megokgong; o efošitše dinao tša ka boreledi.**

**Diema 10:2 Thuokgopo ga e tswale; toko e efoša lehu.**

**Jesaya 26:19 Bahu ba gago ba tlo phela, le wa ka mmele. Ba tlo tsoga. Phafogang! Hlalalang! Ba le robetšego leroleng; gobane phoka ya gago ke phoka ya seetša; mme lefase le tlo ntšha ba hwilego.**

**Johane 5:28,29 Di se ke tša le tlaba; gobane go tla lebaka leo bohole ba lego mabitleng ba tlogo kwa lentšu la Morwa-Modimo ka Iona. 29 Gomme ba tlo tšwa; ba ba dirilego tše botse ba tlo tsoga ba phela; ba ba dirilego tše mpe ba tlo tsoga ba lahlwa.**

**Johane 10:28 Ke nna ke di neago bophelo bjo bo sa felego. Di ka se ke tša ba tša lahlega neng le neng. Ga go e a kago di utla atleng tšaka.**

**Johane 11:43,44 Ge a itšalo a hlaboša lentšu a re: Latsaro! Tswaa o tle mo! 44 Mohu a tšwa a tatetšwe matsogo le maoto ka mašela, sefahlogong a tatetšwe ka lešelana. Jesu a re: Mo tlemolleng le mo lese a ikele.**

**Johane 12:17 Batho bala ba bego ba na le yena mohla wola ge a bitša Latsaro a le lebitleng a mo tsoša a hwile, ba be ba mmoletše;**

**Johane 17:2 Boka ge o mo neile maatla a go buša nama yohle gore bohole ba o mo neilego bona a ba fe bophelo bjo bo sa felego.**

**1 BaKorinthe 15:19-26 Ge re le ba go holofela Kriste bophelong bjona fela, gona ba go ka kwelwa bohloko mo go batho bohole e ka be e le borena. 20 Bjale gomme, Kriste o tsogile bahung a ba yena thakangwaga ya ba ba ithobaletšego. 21 Bjale ka ge lehu le tlile ka motho, le tsogo ya bahu e tlile ka motho. 22 Bjale ka ge bohole ba ehwa ka Adama, ba tlo phedišwa bohole ka Kriste. 23 E mongwe le e mongwe o tlo ba le sebaka sa gagwe. Thakangwaga ke yena Kriste; o tlo hlatlangwa ke bao e lego ba gagwe mohla a tlago, 24 gwa tlo kgono tla bofelo mohla a tlogo bušetša Modimo Tatagwe mmušo, mohla a tlogo ba a fedišitše bobuši bjohle, le bogoši bjohle, le tše maatla ka moka. 25 Gobane go mo swanetše ge a eba kgoši; manaba a gagwe ka moka a be ka tlase ga nao tša gagwe. 26 Lenaba le le tlogo fedišwa ya ba wa bofelo, ke lehu.**

**2 BaKorinthe 1:9,10 Mo dipelong tša rena go be go šetše go tiile la go re re tlo hwa; ya ba gore re lese go ipota, re bote Modimo e a kgonago go tsoša le bahu. 10 Ke yena e a re phološitšego lehung le lekaakao; le**

**bjale o sa re phološa; gomme ke yena yo re holofetšego gore o sa tlo re phološa.**

**2 BaKorinthe 3:6 Ke yena a re kgonišitšego go ba batseta ba Kgwerano e mpsha, e sego ba tlhaka ya lengwalo, e lego ba Moya. Gobane tlhaka ya lengwalo e a bolaya, se se phedišago ke Moya.**

**BaKolose 1:21,22 Le lena ba le bego le le bahlanogi, le le manaba menagonong ya mediro e mebe, 22 bjale o le boelantše le yena ka mmele wa gagwe wa nama, ka go hwa, a le emiša pele ga gagwe le le ba bakgethwa, le se na bosodi, le se na molato.**

**BaHebere 2:9 E a feditšego lebakanyana a hlaeditšwe a se lekane le Morongwa, ke Jesu yo re mmonago a hlamilwe ke borena le letago ka tsela ya go tlaišwa le ya go hwa; gore ka kgaugelo ya Modimo a kwe lehu ka baka la bohole.**

**BaHebere 2:14,15 Bjale ka go itira selo se tee le bana bao, ka go ba nama e tee le madi a tee le bona, o fentše Diabolo e a bego a na le maatla a lehu; o mo fentše ka go hwa ga gagwe, 15 a golola bao e bego e le batlengwa ka go boifa lehu mehla yohle ge ba sa phela.**

**BaHebere 11:5 Tumelo ke ka yona ge Henoge a tlošwa a se bone lehu; gobane mola a sešo a tlošwa o hlatsetšwe gore o be a kgahla Modimo.**

**1 Petro 3:18 Gobane Kriste le yena mola a hlokofatšwa ka baka la dibe ke ge Moloki a hwela bakgopo, gore a re iše go Modimo, a bolawa mmele, a phedišwa moyo.**

**2 Petro 1:3 Ke maatla a gagwe, maatla a Modimo, a re seditšego ka tšohle di išago bophelong le borapeding ka go tseba yena e a re biditšego ka letago la gagwe le ka bokwala bja gagwe.**

**1 Johane 3:14 Na re tseba gobane re tšwele lehung, re seletše bophelong, gobane re rata bana ba borena. E a sa ratego ngwanabo, o dula e le wa lehung.**

**1 Johane 5:11 Gomme bohlatse bjoo šebo, bo re: Modimo o re neile bophelo bjo bo sa felego, mme bophelo bjoo bo gona ka Morwa wa gagwe.**

**Kutollo 21:6 A buša a re: Di tšweletše! Ke nna a le o; ke nna mathomo le pheletšo! E a nyorilwego ke tlo mo fa a nwa sediba sa meetse a bophelo; ke tlo mo fa fela.**